

# 神史

十

|     |    |   |   |
|-----|----|---|---|
| 和書門 |    |   |   |
| 三   | 一〇 | 二 | 四 |
| 冊   | 架  | 函 | 號 |

|      |    |   |   |
|------|----|---|---|
| 內閣文庫 |    |   |   |
| 一    | 四  | 二 | 函 |
| 三    | 一〇 | 二 | 四 |
| 冊    | 架  | 函 | 號 |

|      |           |
|------|-----------|
| 內閣文庫 |           |
| 番號   | 和 31024   |
| 冊數   | 21 ( 10 ) |
| 函號   | 142 74    |



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19




© Kodak, 2007 TM: Kodak



神史

十



神史卷之十

高倉天皇

嘉應元年己丑正月戊午朔元會徹樂以伊勢大神宮火也二十六日癸未遣權中納言平時忠于伊勢奉宸筆宣命於大神宮亦以神宮火也二月九日丙申大風賀茂上下社館舍倒十三日庚子皇太后幸日吉社行啓具伶官六府十七日甲辰卜伊勢大神宮惟異于軒廊二十七日甲寅卜賀茂社風災及蛭

備後 五弓久文撰

蚓出於軒廊。三月二十六日。壬午。皇太后幸平野社。  
儀如日吉社。四月十八日。甲辰。東大寺僧能惠。慶大  
般若經于石清水八幡宮。二十六日。壬子。天皇謁石  
清水八幡宮。六月九日。甲午。以伊勢大神宮遷宮。遣  
使奉神寶。十七日。壬寅。行遷宮儀。是日。祈雨丹生川  
上。貴布祢社。二十二日。丙午。又祈二神。甲寅晦。祭五  
龍於神泉苑。又祈雨丹生川上。貴布祢社。九月二十  
日。癸酉。雨水。祈晴丹生。貴布祢社。十五日。丁酉。後白  
河天皇。建春門院。幸熊野社。二十日。壬寅。卜定僖子  
內親王。為齋院。二十二日。甲辰。卜荒祭宮。恠異于軒

廊。二十六日。戊申。發大神室使。十一月二十五日。丁  
丑。發八十嶋祭使。十二月二十三日。甲辰。延曆寺僧  
奉日吉神輿。鼓譟入宮。安神輿於建禮門壇上。訖權  
中納言藤原成親。流成親。僧徒乃還。  
二年。庚寅。正月四日。乙卯。日吉社有光如虹。二月。後  
白河天皇。幸熊野社。二十二日。癸酉。天皇幸春日社。  
踰日還宮。十月九日。乙卯。奉幣二十二社。十二月五  
日。庚戌。石清水八幡宮。鳴動三聲。如洪鐘。十日。乙卯。  
遣權中納言藤原邦綱於伊勢。奉幣大神宮。以禳天  
變恠異。及明年遭厄也。

承安元年辛卯三月。故齋宮休子內親王薨。年十五。  
後白河天皇第四女也。四月二十三日。丁卯。天皇幸  
平野社。二十七日。辛未。天皇幸大原野社。五月癸卯  
晦。後白河天皇幸熊野社。踰月。還宮。六月二十八日。  
辛未。卜定頌子內親王為齋院。七月二十二日。乙未。  
左大辨經房左大史隆職。召伊勢大神宮宮司有長。  
外宮祢宜彥章權祢宜宗房於大膳廳。勅問豐受宮  
瑞垣門領事。九月十三日。甲申。奏神樂於石清水八  
幡宮。十九日。庚申。天皇幸松尾社。庚午晦。卜伊勢別  
宮有鹿于軒廊。是月。公卿會於住吉社詠歌。鬪優劣。

曰歌合。推其徒善歌者一人。定之。謂判者是行。以藤  
原俊成為之。十一月七日。丁丑。天皇幸北野社。十二  
月。後白河天皇幸熊野社。是歲。兵庫頭源賴政獻鐵  
燈籠於備中吉備津社。

二年。壬戌。二月二十六日。甲午。天皇幸日吉社。踰日。  
還宮。五月三日。辛未。齋宮惇子內親王薨。年十六。稱  
堀河齋宮。後白河天皇第五女也。六月七日。甲辰。遣  
內大臣源雅通於伊勢。奉宸筆宣命於大神宮。以禳  
天變。及神宮諸社恠異也。十四日。辛亥。修御靈祭於  
祇園社。後白河天皇奉神輿三基。獅子七頭。八月十

五日。辛亥。修放生祭於石清水八幡宮。神輿鳳墜。十月。八日。癸卯。卜豐受宮。恠異於軒廊。二十三日。戊午。天皇幸稻荷祇園社。十二月。八日。壬寅。卜伊勢大神宮。恠異於軒廊。二十七日。辛酉。興福寺僧徒奉神木。入京訴事。遣兵防之。是月。廣田祠歌合。藤原俊成。為判者。閏月。十二日。丙子。奉幣伊勢以下十二社。賽疾瘳。是歲。藤原清輔。設和歌尚齒會於室莊嚴院。神祇伯。白河頭廣王。日吉祢宜祝部成仲。与焉。

三年。癸巳。正月。癸亥晦。後白河天皇。幸熊野社。三月。二十日。壬子。天皇謁石清水八幡宮。四月。十三日。乙

亥。天皇謁賀茂社。六月。辛卯晦。以三合厄。及天變。奉幣二十二社。八月。十五日。乙亥。新羅社歌合。藤原俊成為判者。十一月。四日。癸巳。興福寺僧徒奉春日神輿。至古津。將入京。請召還其徒。流覺興。允其請。僧徒還奈良。七日。丙申。修春日祭。先是以僧兵擾亂。延祭期。至是而終能行之。是月。後白河天皇。幸熊野社。踰月。還宮。

四年。甲午。正月。二十三日。辛亥。後白河天皇。幸日吉社。二月。四日。辛酉。修祈年祭。率川祭。八日。乙丑。修園韓神祭。十日。丁卯。修大原野祭。十三日。庚午。奉幣祈

年穀。二十一日。戊寅。卜豐受宮住吉社恠異於軒廊。  
三月十九日。丙午。後白河天皇。建春門院。幸安藝嚴  
嶋社。踰月還宮。是日。遣中務大輔藤原經家于石清  
水八幡宮。修臨時祭。四月。四日。庚申。修廣瀨龍田祭。  
當麻祭。松尾祭。社本祭。五日。辛酉。修梅宮祭。十一日。  
丁卯。修稻荷祭。十四日。庚午。修伊勢神衣祭。十六日。  
壬申。修賀茂祭。日吉祭。二十日。丙子。修吉田祭。丁亥。  
晦。按治大神宮。宮司有長。豐受宮祢宜。度章訟爭於  
廷。五月。十一日。丁酉。後白河天皇。謁日吉神社。畱禱。  
凡十日。二十一日。丁未。修神今食祭。是日。奉幣丹生。

川上貴布祢二社。祈雨。六月。五日。庚申。奉幣二十二  
社。十一日。丙寅。修月次祭。神今食祭。大殿祭。上鄉一  
條權大納言公保臨會。十三日。戊辰。天皇幸權中納  
言藤原邦綱正親町第。避祇園神輿。二十七日。壬午。  
奉幣五社。祈雨。八月。四日。戊午。修北野祭。十五日。己  
巳。修放生祭于石清水八幡宮。十一月。二日。乙酉。修  
率川祭。梅宮祭。當宗祭。中山祭。松尾祭。八日。辛卯。修  
相嘗祭。十一月。十一日。甲午。遣權大納言藤原實國  
於伊勢。奉宸筆。宣命於大神宮。十八日。辛丑。修鎮魂  
祭。園韓神祭。二十六日。己酉。遣武藏守平知盛于賀。

茂神社。修臨時祭。十二月十一日。甲子。修月次祭。神  
今食祭。大殿祭。

安元元年。乙未。三月十三日。甲午。後白河天皇。幸熊  
野社。踰月。還宮。十二日。辛酉。天皇幸正親町第。避祇  
園神輿。十七日。丙寅。後白河天皇。幸日吉社。二十六  
日。乙亥。圖紀伊日前尾張熱田安藝嚴嶋越前氣比  
神。為神體。先是。熱田日前社。唯用鏡劍。至是而換焉。  
七月五日。甲申。卜伊勢大神宮有穢于軒廊。八月。二  
十四日。壬申。賀茂社祢宜祐季免職。先是。祐季与延  
曆寺釋迦堂僧。爭神田界。僧入寇祐季家。祐季捕之。

上奏。乃处僧流。於是。祐季坐解官。是月。伊勢宮川水  
逆流。十月。漁夫恐懼弃網而歸。三日。庚辰。始修蓮華  
王院總社祭。八日。乙酉。奉幣七社。二十六日。癸卯。有  
盗入河合社。射廊壁。小嶋明神觸血穢。十一月。十九  
日。丙寅。修造出雲杵築社。行假殿遷宮之儀。二十五  
日。壬申。遣使宇佐。

二年。丙申。二月。四日。庚辰。令上鄉滋野井權大納言  
藤原實國。行事權右中辨親家。修祈年祭。實國等於  
神祇官。告大極殿觸穢。且禳之。三月。十日。乙卯。遣上  
鄉權大納言實房等於神祇官。奉幣祈年穀。十三日。



戊午。遣大宮亮平經正於石清水八幡宮。修臨時祭。  
四月二十二日。丁酉。修賀茂祭。五月十二日。丙辰。奉  
幣二十二社。祈國家平安。六月四日。丁丑。祈雨丹生  
川上貴布禰社。是月。廢月次神今食祭祇園祭。並以  
觸穢也。八月二日。甲戌。廢北野祭。以修釋典也。九月  
二十四日。丙寅。奉幣伊勢大神宮。祈年穀。十一月十  
四日。乙卯。修新嘗祭。是歲大中臣通能任少宮司。  
治承元年。丁酉。正月。庚午晦。朱雀院鎮守石神社火。  
二月二十四日。甲午。奉幣伊勢以下九社。禱天皇痘  
瘡也。三月。先是。加賀石川郡白山社僧。奉神輿。至延

曆寺。訖目代藤原師經燒涌泉寺。四月十三日。壬午。  
延曆寺僧徒。奉日吉神輿犯闕。又請流加賀守藤原  
師高。命內大臣平重盛。兵庫頭源賴政禦之。賴政守  
達智門神輿直指焉。賴政下馬免胄拜伏。遣從者曰。  
賴政常信日吉神。以祈後榮。今不幸守此門。甚恐驚  
弓神輿也。昔日源平。均護朝家。近年。源替平興。賴政  
僅保摧殘餘緒。承之警衛。然手兵單弱。固知不足捍  
大衆也。願諒之。若不聽。吾与二三從卒。俱斃輿前而  
已。平內府擁大兵。守陽明門。諸君避之。而陵我。恐其  
為天下笑矣。於是。僧徒轉向陽明門。既而又棄神輿。

而去。勅安神輿於祇園社。二十日。己丑。下射神輿者于獄。二十八日。丁酉。京師火。燒神祇官八神殿。六月九日。丁丑。八神殿成。修遷宮之儀。十五日。癸未。奉幣伊勢以下十社。告大極殿火。是月。無暑。或曰。白山神崇也。八月。二十一日。戊子。奉幣祈年穀。九月。十日。丙午。以天變恠異。遣權大納言藤原實房。奉宸翰宣命於大神宮。奉金銀幣神宝於諸社。十三日。己酉。後白河天皇。幸熊野社。踰月。還宮。十月。三日。己巳。祈晴丹生川上。貴布祢社。五日。辛未。天皇謁石清水八幡宮。十四日。庚辰。天皇謁賀茂社。大納言邦綱中納言宗

家參議朝方等扈從。二十八日。甲午。卜定功子內親王為齋宮。十一月。十九日。甲寅。修鎮魂祭并園韓神祭。日野權中納言藤原資長莅會。二十日。乙卯。修新嘗祭。二十四日。乙未。以地震。奉幣伊勢以下九社。十二月。十一日。丙子。修月次祭。上鄉滋野井權大納言藤原實國莅會。又修夜祭。上鄉權中納言藤原實綱莅會。

二年。戊戌。三月。五日。己亥。後白河天皇。幸熊野社。十五日。己酉。賀茂社歌合。藤原俊成為判者。二十二日。丙辰。天皇幸春日社。踰日。還宮。二十四日。戊午。稻荷

社行宮火。五月。改春日社瑞垣。造廻廊。六月。十二日。乙亥。天皇幸土御門第。避祇園神輿。十七日。庚辰。以中宮有身。奉幣巖嶋社。先是。前大政大臣平清盛。納其女德子。為中宮。是為建禮門院。清盛冀其生男。禱諸巖嶋社。月一。造烏。一夜。夢神賜皇后宝劍。納其懷。復授妻時子。清盛大悅。世疾其貪欲無厭。榜門謗之。清盛見之。曰。是非有才學者。決不能為也。乃錄差涉形跡者一千三百人。按問北野社前。竟不獲主名。二十七日。庚寅。卜定範子內親王。為齋宮。閏月五日。丁酉。廼射齋宮白專女者罪。二十一日。癸丑。祈雨丹生。

川上貴布祢社。七月十五日。丙子。故攝政藤原基房妻。慶金字一切。經於春日社。八月十二日。癸卯。奉幣祈年穀。二十四日。乙卯。遣權大納言藤原邦綱于伊勢。奉宸筆宣命於大神宮。九月十三日。癸酉。齋宮功子內親王。修禊賀茂川。入野宮。十一月二十二日。辛巳。修臨時祭。二十四日。癸未。遣右衛門權佐藤原親雅于豐前。修祀典於宇佐八幡宮。三年。己亥。正月十一日。庚午。齋宮功子內親王。自野宮。以其丁母患也。二月五日。癸巳。後白河天皇幸熊野社。踰月。還宮。二十四日。壬子。廷議巖嶋社齒二十

二社之次。且以仲春仲冬上申。為祭日。右大臣藤原兼實。清原賴業。与烏。當是時。德大寺權大納言藤原實定。既不得志。欲自託緇流。或慰之曰。子盍禱之。巖嶋神。果然。宗顯。或庶幾乎。夫嶋神。平氏所崇。外之。未嘗聞貴紳賽禱也。且聞其祠有巫。皆精歌舞。子見之。彼必恠問焉。子具語之故。還彼必泛舟送之。子就携可者。東歸。厚賚之。必謁相國請之。實定從其言。清盛恠之。令重盛。辞左大將。以實定代之。三月十三日。辛未。奉幣祈晴。十五日。癸酉。天皇幸平野社。十八日。丙子。後白河天皇。幸平清盛第。供巖嶋社小巫奏廻雪。

舞技于叡覽。二十日。戊寅。後白河天皇。幸石清水八幡宮。二十六日。甲申。奉幣巖嶋社。賽中宮平產。是日。齋院卜定所火。踰日。卜之軒廊。四月三日。辛卯。以卜定所火。奉幣賀茂社。六月十二日。己亥。天皇幸土御門第。避祇園神樂。七月乙酉晦。前内大臣平重盛薨。年四十二。清盛長子也。先是。清盛跋扈日甚。重盛憂懼不已。一夜夢源賴朝。禱吉備津神。神斬清盛首。覺而悲泣。瀨尾兼康來見。重盛竊告之。其夢亦符。重盛益感愴。未幾。辞官。詣熊野社。自祈死。歸罹疾而薨。八月二十七日。壬子。天皇謁石清水八幡宮。九月五日。

庚申。天皇謁賀茂社。九月二十二日。丁丑。遣權大納言藤原實國于伊勢。奉宸筆宣命於大神宮。十一月五日。己未。令諸社。祈靖僧徒鬪乱。七日。辛酉。奉幣七社。亦祈僧徒鬪乱也。

安徳天皇

四年。庚子。三月。高倉天皇。欲悅清盛意。且為後白河天皇。紓其幽閑。謂巖嶋嘗為清盛任因宗祠。且其所崇信之神也。儻朕今臨幸。則清盛當歡喜。至是。將幸之。諭旨清盛。清盛果大喜。於是。園城寺僧徒。與延曆興福二寺相議曰。歷世禪位之後。先幸石清水賀茂。

或熊野日吉。今俄幸巖嶋。何也。吾輩之辱。莫大焉。欲入京挾兩皇去。輦下騷擾。高倉天皇聞之。幸清盛第。覲後白河天皇於鳥羽殿。遂航海。幸巖嶋社。御舟抵備後大浦。繫纜於一神廟前。高倉天皇。召問土人曰。何神也。對曰。神無的名。唯嶋多藤花。因名藤嶋。勅曰。朕請授八幡神號。自今名此地。曰田嶋。乃奉幣祭焉。踰月。還宮。十六日。戊辰。賀茂上社。蝦蟇蛇相鬪。觀者如堵。四月。以仁王。將舉兵討平氏。檄召諸源。當是時。右兵衛佐源賴朝。在伊豆配所。首應之。檄文至。賴朝乃着水子衣。西向遙拜石清水八幡宮。然後讀之。既

而召走湯山文陽房覺淵。竊告拳兵。禱之。覺淵贊成其謀曰。夫閣下者。八幡大神氏人也。而繼義家朝臣之芳躅。率從閩東家人。以誅亂賊。寔一反掌之間耳。賴朝大喜。先是。伊勢大神宮祠官永江藏人大中臣賴隆。筑前往吉祠官佐伯昌助。流於伊豆。与賴朝相善。賴朝又察其無意。囑祈遂宿志。昌助有弟。曰昌長。亦來謁。自是三人。誠禱匪懈。一日。賴隆誦一千度拔。昌長修天曹地府祭。賴朝賜鏡一奩。昌長。昌長感激。山木之役。從諸士有功。先是。千葉介常胤有子為僧。稱律靜房。日胤。居園城寺。亦受賴朝旨。祈其興復。乃

限一千日。詣石清水八幡宮。默誦佛經。以求神助。一日。夢神授金甲。覺而異之。會以仁王起兵。入園城寺。日胤聞之。使弟子日慧。代已禱祠。從王赴奈良。至光明山。鳥居前。王中飛矢。日胤与追兵奮戰。斬六人而死。五月十四日。乙丑。卜伊勢賀茂平野三社。恠異及颼風於軒廊。七月二十五日。乙亥。祈雨十三社。八月十七日。丁酉。修伊豆三嶋祭。源賴朝遣足立藤九郎盛長。奉幣焉。二十三日。癸卯。癸大奉幣使。二十七日。丁未。遣使宇佐八幡宮。九月五日。甲寅。源賴朝謁安房洲崎社。作祭文。祈戰捷。且告以他日得成大志。獻

神田。十日己未。甲斐人武田太郎信義。一條次郎忠  
賴。至賴朝軍營曰。吾第聞閣下舉大事。將率手兵奉  
從。癸鄙鄉。向信濃。一夜宿廣菴澤。夜深。有一婦來忠  
賴館。請謁。乃出見之。其婦曰。妾上諏方大祝篤光妻  
也。頃日。篤光為源氏。祈本祠。三晝夜于茲矣。昨夢有  
一武將。着梶葉直衣。上葦毛駒而至。勇氣可畏。敬是  
諏方神教。而適今君抵此地。即其人也。偶篤光修神  
事。不遑執謁。故妾雖越俎。代夫來告。忠賴聞之。喜出  
望外。乃出野劍一口。甲冑一襲。與之。既而齎菅冠者  
於伊那郡太田。彼不戰自殺。寔諏訪神助也。宜獻祭

田於二社。賴朝允其請。附平出宮所于上諏方社。龍  
市岡仁谷於下諏方社。初以龍市為下諏方神田。筆  
史誤加岡仁谷。雖改再三。誤署如初。恠問故老。皆曰。  
有其地。忠賴信義曰。神意不可誣也。定議附獻神田。  
九月二十一日。庚午。高倉天皇。幸嚴嶋社。踰月。還宮。  
十月十二日。辛卯。先是。源賴朝。奠居鎌倉。遷鶴岡八  
幡宮于小林鄉。從是。每事必禱。以專光房補別當。二  
十七日。丙午。奉幣諸社。祈年穀。十二月二日。庚辰。奉  
幣伊勢以下十七社。禱弭兵革。十六日。甲午。源賴朝  
建鳥居於鶴岡若宮。是歲。賴朝修武藏。立郡水川。

神社。獻祭田三千貫。

養和元年辛丑正月戊申朔。源賴朝騎馬。謁鶴岡八幡宮。令宇佐義二郎祐義。仁田四郎忠常。奉幣帛神馬。令三浦荒次郎義澄。畠山次郎重忠。護衛。十九日。丙寅。熊野社別當湛增。入寇伊雜宮。破壞殿廊。奪神室。祢宜成長。移神體於內宮。未幾日。湛增又率兵攻山田。宇治二鄉。放火燒民屋。奪財賄而去。二月十三日。庚寅。宇佐大宮司宇佐公通奏。菊池緒方曰。杵戶次。松浦黨應源氏。燒太宰府。閏月四日。庚戌。前大政大臣平清盛患燒熱而薨。年六十四。先是大和興福

寺神位。有一言主神祠。祠前有木樓子樹。平氏焚奈良時。烟入其樹孔。而薰人。灌水不滅。迨清盛罹疾。烟發樹孔。至其薨。忽消。人以為異焉。初清盛任安藝守。奉詔作高野山大塔。及竣功。夢老僧謂清盛曰。大塔造營善美兼盡。而安藝巖嶋。与越前氣比。實金剛胎藏之西畧也。今氣比殷盛。巖嶋荒蕪。汝若修葺之。不獨汝身享顯榮。子孫亦獲厚福矣。清盛奏諸朝。遂修其祠宇。窮極壯洪。又遇其內侍巫女甚篤。凡有事故。則必禱焉。是月。志太先生源義廣。將襲擊源賴朝於鎌倉。義廣賴朝叔父也。賴朝遣小山朝政討之。義廣



欲誘之為己黨。朝政詐許。義廣未。朝政率兵出屯野  
木社。設伏以俟。義廣過社前。伏忽起。義廣狼狽。朝政  
乘之。奮擊。既而義廣退屯社西南。朝政擊之。義廣敗  
死。適賴朝謁鶴岡八幡宮。拜訖。謂人曰。事竟何如。結  
城朝光者。朝政弟也。在側率尔曰。志太先生。既為愚  
兄。所珍滅矣。賴朝喜曰。此非汝言。必神之所憑也。果  
然。厚賞汝。是日。獲捷報。乃分義廣食邑。賜烏。三月六  
日。壬午。祭主從三位行神祇大副親隆。叙正三位。賞  
祈攘逆亂也。官司大司從五位下。祐成。叙從五位上。  
內宮稱。宜正四位上。成長。正四位上。定良。正四位上。

重章。正四位上。範宗。正四位上。忠滿。正四位上。忠定。  
從四位下。元雅。外宮稱。宜正四位上。貞綱。正四位上。  
茂章。正四位上。晴兼。從四位上。光忠。從四位上。雅元。  
從四位上。負雅。從四位上。高倫。各加位一階。十二日。  
戊子。源賴朝。以鹿嶋三郎政幹。補鹿嶋社總追捕使。  
獻塩濱大窪世谷地。為神田。五月四日。己酉。春日社。  
第四殿神鏡自墜壞。十三日。戊子。源賴朝。令土肥次  
郎實平。大庭平太景能。大修鶴岡八幡宮。至此。土木  
極壯麗。十九日。甲午。以明年值三合厄。奉幣二十二  
社。禳之。二十六日。辛丑。卜伊勢大神宮日吉社。恠異。

於軒廊。是月。病人源行家。与平氏。戰於尾間。克之。乘勢。欲進入京。奉告文於伊勢大神宮。祠官等拒而不受。六月十日。乙卯。天皇幸八條。築避祇園神輿。十八日。癸亥。修鎮魂祭於禁中。二十日。乙丑。奉幣石清水八幡宮。二十二日。丁卯。卜下賀茂社。竈鳴。春日神鏡破于軒廊。七月八日。壬午。修鶴岡若宮。奉遷神體於假殿。八月十日。甲寅。奉幣伊勢以下二十二社。以禳天變兵禍。及諸社恠異也。當是時。諸國兵屢起。官軍多不利。內大臣平宗盛。一日。謂清原賴業曰。方今之勢。難戡。定以威力。若非禱神奉佛。則不能濟時艱。其

修大神宮臨時祭。邪。將遵阿育王故事耶。賴業曰。臨時祭。可問其人。造塔在公意。革幣政。濟民庶。今日急務。否則危亡迫旦夕。雖然。是非我輩微臣所與知也。願熟圖之。宗盛默而不言。九月十四日。丁亥。遣使奉金鎧於大神宮。是行。神祇少副定隆奉命。赴伊勢。途卒。散位大中臣在定。代行其儀焉。十月三日。丙午。詔下。問將幸伊勢。禱災。亂於大神宮。廷議。以為無先式。不可行也。因寢其說。十二日。乙卯。源賴朝以常陸橘鄉。獻鹿嶋社。二十日。癸亥。賴朝引見伊勢大神宮祢宜度會光倫。元倫語賴朝曰。去月。平氏奏朝廷。沿天

慶故事。奉金鐘於神宮。祭主途死。不祥亦大矣。其他神宮棟木郡蜂成巢。小蛇產子。多恠異。是賊臣輕天憲神怒所致也。賴朝然之。二十二日。乙丑。賀茂社。修遷宮之儀。十一月十五日。丁亥。前齋院世尊寺邸火。是歲。齋院範子內親王免職。

壽永元年。壬寅。正月。元日。壬申。源賴朝。謁鶴岡八幡宮。令佐野太郎忠家。獻神馬一匹。二月。八日。己酉。遣長江太郎義景于伊勢。獻神宝砂金於大神宮。祭文曰。維當歲次。治承六年。壬寅。二月。八日。己酉。吉日良辰。遠撰定天。前右兵衛佐從五位下源朝臣賴朝。禮

代御幣砂金神馬等。令持齋天。天照皇大神廣前仁。恐天毛。申天。申久。賴朝訪遠祖波。神武天皇初天。日本豐葦原水穗國再。令濫觴天。五十六代仁。相當禮畱。清和天皇乃第三子。乃孫与利。携武藝天。護國家利。居衛宮天。耀朝威須。自尔以來。挿野心凶徒。征罰須苗。依勲功。天惠澤。身仁餘利。武勇世仁。聞信。和國無為仁志。有截克調天。星霜三百餘歲。仁。覃布处。保元年中。与利。洛陽仁。兵乱起。畱。時人不訪湯王。乃化。不存鎮。獲乃誓須。犯否於。押混天。賞罰於。中行布間。平治年中。仁。禊朝無咎過天。覃罪科布。含愁憤天。送

春秋苗處仁。前平大相國驍勇乃令從黨天。去去年  
乃秋。賴朝於擬誅志。日依有天運天。黥有鎬遠。令道  
畱。本自利。不誤加故仁。神乃冥助奈利。而彼平大相  
國還天。賴朝加謀叛。乃由。叡聞於驚須。即奏事不實  
奈利。披陳仁。無便志天。只仰蒼天。久間多仁。華不靜  
湏。逆濫重疊勢利。厥中仁。聖武天皇。草創鎮地。乃後。  
歷四百餘歲。多苗蓮宮遠。令焚燒條。蒼生誰不悲嘆  
哉。凡朝務遠。押行比。郡鄉滅亡。須苗。是豈仁非謀叛  
乎。爰平大相國。俄早世勢。苗神慮不快。乃由。露顯奈  
利。但賴朝殊所恐。波如風聞。波熊野。乃衆徒號志天。

奸濫遠。巧牟類等。去年正月仁。皇大神宮仁。濫入志  
天。御殿遠。破損志。神室遠。犯用湏。因茲。御體遠。皇大  
神乃御殿。乃砌利。五十鈴。乃河上畔仁。假奉遷云云。  
亦同月仁。彼凶徒等。二所大神宮。乃御殿近邊。乃人  
宅仁。亂入志。資財遠。搜取利。舍宅遠。燒失。須苗。刻祠  
官等。成恐怖天。參宮中天。令騷動牟。此兩條。全賴朝  
不謬。神明乃仰照。鑒久。方今無事仁。遂參洛天。防朝  
敵天。世務遠。如元。一院仁。奉任天。禹王。乃慈愍遠。令  
訪神事遠。如在仁。奉崇天。正法。乃遺風遠。令繼牟。繼  
雖平家毛。雖源氏毛。不義遠。波。罰志。忠臣遠。波。賞志。

賜倍。兼又古今乃例遠訪天。二宮仁新加乃御領於中立天。伊雜宮遠造替志。神室遠調進勢牟土。所祈請奈利。抑東州御領如元久。不可有相違。苗由任二宮注文。染丹筆天。奉免畢。此凡不訛謬。百王大神。此狀遠令照納天。上義始自政王免。下訖于百司民庶天。安穩泰平仁。令施惠獲天。賴朝加伴類仁。臻萬天。夜乃守利。日乃守利仁。獲幸倍。給倍止。恐天。恐天。毛。申天。申久。治承六年。二月。八日。前右兵衛佐從五位下源朝臣賴朝。十七日。戊午。卜紀伊日前宮恠異於軒廊。四月。二十四日。癸巳。奉幣二十二社。禳飢疾。

五月。十六日。乙酉。有一老翁衣冠把笏。耒鎌倉幕府。坐西廊。二僕從焉。皆着淨衣。捧榭枝。意如有所欲訴者。衆僉恠問之。翁默不答。前少將時家進翁前。致敬問之。翁曰。僕有事故。將謁鎌倉公。而直言。不欲介人而傳言也。時家重問姓名。不答如初。不得已而告諸賴朝。賴朝隔簾視之曰。彼有威容。必非鄙人也。乃見之。翁大喜。拜伏曰。吾豐受宮祿。宜為保也。遠江鎌田御厨。為本廟神領。僕家世掌其租稅者。凡百六十餘年于茲矣。今無故。為安田義定所橫奪。神供闕乏。悲痛之極。不遠千里而來訴。請賜慈裁。賴朝聞之。嘆服。

其辨證明暢。并通曉神典。乃命義定還之。如故。六月  
十二日。辛亥。天皇御大內。避祇園神輿。十三日。辛亥。  
源賴朝妻北條氏。生男一萬。賴家也。遣具慶壯士。奉  
神馬于鶴岡八幡宮。相摸一宮粟濱大明神。已下諸  
社。七月五日。有盜入豐受宮外幣殿奪神寶。八月五  
日。癸卯。卜平野吉田二社。恠異於軒廊。十四日。壬子。  
尊準母前齋院亮子內親王。曰皇后。十七日。乙卯。豐  
受宮祢宜泉真綱卒。年九十三。二十六日。甲午。源賴  
朝。建宮寺別當坊于鶴岡。十一月十一日。戊午。修禊節  
旗。無故折。有狂人入御膳幄。十一月十四日。辛卯。修

大嘗祭。二十八日。乙未。祭主正三位行神祇。大副親  
隆。上辭表允許。先是以三男神祇少祐能隆加權少  
副。十二月。丁酉。朔伊勢大神宮神主生倫。遣使鎌倉。  
告源賴朝曰。先是平氏譏二宮祠官。送款閩東。禍在  
不測。如何。賴朝与書慰之曰。神不享非理。苟心忠直。  
奚憂人言。祠官等湏祝禱邦家安寧。迨事平。則東國  
神封。奉給仍舊。勿怠勿患。

二年。癸卯。正月五日。祭主從四位上行神祇權大副  
兼皇大后宮權大進親俊叙正四位下。二月。祭主神  
祇大副正三位大中臣親隆削髮。識者少焉。四月。九

日。癸卯。奉幣伊勢以下十六社。禳兵禍。二十六日。庚申。遣參議源通親於伊勢。奉宸筆宣命於大神宮。五月。源義仲。舉兵北國。奔越後。入越中。得兵五萬。至無動寺。閱兵。待平軍來攻。先詣加賀白山社。使僧覺明作文禱捷。既而。與其將校議。分兵俱進。十一日。義仲自率兵三萬。渡小矢部河。屯埴生。旁有朱垣神祠。問土人曰。新埴生新八幡宮也。亦令覺明作文。添以十三矢祈捷。時有白鳩翔旗竿上。義仲乃下馬拜伏。是役。義仲大勝。上下僉以為神助。覺明所筆。今尚藏于廟祝上田氏。義仲既得志。在京師。從兄賴朝。遣二弟

範。賴義。經。來攻。義仲危之。因欲擁後白河天皇。以赴鎮西。勸之。詣石清水八幡宮。廷臣皆懼。權中納言藤原長方。遣使諭義仲曰。法皇有觸穢。未可拜神。縱不親拜禮。而猶不可近神宮也。義仲以為然。乃延其期。三日。丙寅。卜下賀茂社。羽蟻于軒廊。二十九日。壬辰。奏神樂於內侍所。三夜。祈靖亂。是月。豐受宮祢宜若洲彦章卒。年四十六。六月。二日。乙未。藏劍於諸社。三日。丙申。奉幣伊勢以下十社。禱戰捷。後白河天皇。幸日吉社。五日。戊戌。還宮。十一日。甲辰。召祭主親俊於殿上。禱靖亂於伊勢大神宮。後重下議。幸伊勢神宮。

事十八日。辛亥。後白河天皇修仁王講於石清水八幡宮以下十社。是月。伊勢大神宮禰宜成長。獻神劍一口。七月。八日。庚申。內大臣平宗盛以下連署。以日吉社為氏社。以准藤原氏春日社故事也。十六日。戊寅。下賀茂社祇園社樗木無故折。二十一日。癸未。有武人入冠大原野社。毀神殿。奪神鏡二枚并神宝。又奪稻荷社神鏡。獨梅宮社。則唯毀神殿而已。二十四日。丙戌。震石清水八幡宮宝廡。九月。二日。甲子。後白河天皇遣參議藤原修範於伊勢。奉幣大神宮。祈滅平氏。十五日。丁丑。後白河天皇幸日吉社。授神位。是

月。天皇謁宇佐八幡宮。奉神宝神馬。平宗盛以下舉族奉從。苗禱七晝夜。夢神教曰。世中與宇佐仁波。神毛無物遠。何祈苗良牟。心筑紫仁。宗盛既覺茫然。詠歌曰。佐里登毛登。思心毛。蟲音毛。弱里果奴苗。秋乃暮哉。聞者皆垂泣。當是時。源賴朝上奏後白河天皇曰。頃年平氏當路。橫奪神田寺戶。是以神佛降罰。闔族奔亡。可鑒焉。宜還田戶。以報其功德矣。十月。九日。庚子。授紀伊丹生高野神位階一級。

後鳥羽天皇

元曆元年。甲辰。正月。三日。癸巳。源賴朝。召豐受宮權



祢宜親光。告以其獻武藏崎西足立二郡邑。為本宮  
神田。永資臨時祭。八日。戊戌。賴朝遣藤判官代邦通  
等於上總。檢一宮玉前社上總介平廣常獻甲。初廣  
常恃功驕傲。賴朝積不平。去冬。命梶原平三景時殺  
之。廣常嘗納小櫻皮一領本祠。至是。祠官兼重告之。  
賴朝遣邦通檢之。有一封書。皆祈幕府永顯之文也。  
於是賴朝始知其寃。大悔殺之。二十日。庚戌。賴朝令  
弟範賴。義經西攻從弟義仲。分道進。義經自鈴鹿山  
進。至伊賀。義經召土人。問道。土人曰。自青田山。至首  
落瀑。是為捷徑。義經復問別路。曰。過長田里。至射手

神社。傍笠置亦可。義經曰。青田首落地名凶惡。不宜  
行師。乃由射手社前而進。是役果獲大捷。二十三日。  
癸丑。鹿嶋社祢宜。遣使鎌倉曰。本月十九日。社僧某。  
夢武甕槌神討平氏及木曾義仲。赴京師。翌日。戊牌。  
黑雲蔽掩本社。不辨寸地。神殿鳴動。加之。鷄鹿郡聚  
喧耳。少焉。黑雲亘西。有一鷄飛翔其中而去。觀者莫  
不驚嘆。言未了。賴朝忽下庭。東向遙拜鹿嶋者久之。  
賴朝固信此神。至是。崇敬特深。二月二十五日。甲申。  
賴朝書意見。就廷臣泰經。上奏曰。我朝者。神國也。從  
前諸國神領。附授仍舊貫。頃者。側聞鹿嶋神上浴。親

當討賊之任。宜不日就神戮矣。若諸社破壞。則可加  
修繕。祭事慎勿怠慢矣。三月十一日。庚子。後白河天  
皇。幸日吉社。苗祭凡七日。十四日。癸卯。修祈年祭。四  
月二日。庚申。後白河天皇。幸日吉社。是日。修平野社  
祭。十五日。癸酉。先是。後白河天皇。造崇德天皇及藤  
原賴長廟於春日川原。至是而成。是日。源賴朝。始見  
中宮大夫屬三善康信於鶴岡社前。初康信母乳養  
賴朝。故屬心賴朝。至是。賴朝召之。為幕賓。二十四日。  
壬午。賴朝上奏。禁武人掠奪加茂社神領。二十八日。  
丙戌。賴朝以淡路廣田莊。獻攝津廣田社。為神封。遣

前齋院次官親能。告之正三位神祇伯白川仲資王。  
五月二日。己丑。松尾社神主。有罪捕之。三日。庚寅。源  
賴朝。獻武藏飯倉于大神宮。安藝東條於豐受宮。召  
荒木田神主。成長會賀生倫命之。二十一日。戊申。上  
賀茂社舞殿。無故而壞。二十四日。辛亥。源賴朝。以左  
衛門尉藤原朝綱。補伊賀壬生野鄉地頭職。為宇都  
宮社務如故。六月二十三日。庚辰。奉幣二十二社。祈  
神畧還京師。七月十七日。癸卯。攝政藤原政家。莅神  
祇官。遣使伊勢。奉幣大神宮。告天皇即位。二十日。丙  
午。源賴朝。新造社壇一。基于鶴岡若宮側。自莅祀熱

田神。附祭田一邑。九月十五日。辛丑。後白河天皇。辛  
日吉社。留禱七日。二十日。丙午。先是。丹波桑田郡出  
雲神社。蓮華王院領邑也。為玉井四郎資重所掠略。  
事聞。源賴朝命禁之。十一月六日。辛卯。賴朝謁鶴岡  
八幡宮。奏神樂。既而別當饗諸其室。令京師伶童吹  
笛。以侑觴。梶原景時。畠山重忠。歌今樣。以助其技。賴  
朝大喜。十八日。癸卯。修大嘗祭。十二月十二日。丁卯。  
後白河天皇。辛日吉社。十六日。辛未。源賴朝令土肥  
實平。復備前吉備津宮兔田。會頃年屢戰鬥。為武人  
籍歿者也。是日。攝政藤原政家。謁春日社。權大納言

藤原定房以下扈從為。二十五日。庚辰。鹿嶋神主中  
臣親廣親盛。未鎌倉。源賴朝引見於營中。賜賚寔繁。  
且命二人。為神主管領。二十九日。甲申。賴朝令鹿嶋  
社祠司宮介良景。准地主并富名例。  
文治元年。乙巳。正月十四日。甲戌。奉幣伊勢石清水  
賀茂三社。二十一日。乙巳。法印實印。殺於日吉社。不  
知何人所為也。是日。源賴朝与元妃北條氏。謁栗濱  
明神。賽旧禱。二十二日。丙午。賴朝令大江廣元。献出  
雲安東鄉賀茂社。為神領。以資冬季神樂。二月十三  
日。丁卯。賴朝命鎌倉群僧。祈平族伏誅於鶴岡八幡

宮十六日。辛未。有鳴鑼。出住吉第三神殿而西。因奉御劍寶器於住吉社。是神主津守長守所奏也。先是源義經奉兄賴朝命。西伐平氏。平氏棲讚岐。十八日。癸酉。義經戰八萬。敵載義姬一小船。旭扇柳竿。向岸。招源軍。義經部將曰。是試吾也。義經曰。誰能射之。乃舉下野人那須宗高。宗高乘馬手弓入海。海波漾動。宗高默禱曰。八幡神及日光宇都宮那須湯泉諸神。幸俾吾射扇轂矣。神而欲生還。則此矢勿虛發也。引滿而發。扇果揚空而落。海陸歡聲久之。二十日。甲戌。奏神樂於內侍所。二十七日。辛巳。祈平族伏誅於賀

茂社。三月二十四日。辛未。源義經浮軍艦八百餘艘。与平氏戰壇浦。山鹿秀遠等。師五百艘連射。我兵少沮。時空中有氣如白旗。見源軍船上。又有二白鶴飛聚旗竿。義經以為神貺。盥漱拜之。兵士皆悅。大戰奏捷。當是時。梶原景時有宿憾於義經。且妬害其功。致書鎌倉曰。屋嶋城陷。神兵現於我陣。三月二十日夜。臣之從者。夢石清水神使示書曰。至未日。平氏滅矣。果然。又有白旗一旒見空。湏臾消滅。是非神明祐我者耶。然而判官獨以為己功。高自矜伐。不恤軍士。人危懼。景時屢諫之。不聽。臣願得蚤歸。賴朝得書。大

怒遂釀。閱墻之變云。四月。四日。丁巳。修廣瀨龍田祭。  
二十日。癸酉。源賴朝。召伊豆神主。東大夫盛方。傳命  
猷。本國糠田邑。資臨時祭。又召神主。西大夫盛成。猷  
本國長崎邑。子二宮。八幡宮。資放生祭。二十七日。庚  
辰。御大內。安鏡。至於溫明殿。奏神樂。三日。五月。六日。  
戊子。遣右大將藤原良經。辨兼忠。於二十二社。奉幣  
告謝。鏡。壘入京。并得寶劍。八日。庚寅。源賴朝。與大江  
廣元等。議鎮西事宜。其一曰。宇佐大宮司公房。雖嘗  
受平氏。囑祈其戰捷。今由幕下崇敬。八幡大神。枉赦  
貴罰。又管領祠務如故。是故。本廟祠官等。自今。與公

房戮心力。最夕。肅祭。以不忘鴻恩。若有祠宇破頽。過  
加葺理。以勿虧損神威。為。二十六日。戊申。卜石清水  
平野二社。恠異於軒廊。六月。五日。丙辰。源賴朝。以阿  
波三野保。為石清水八幡宮神領。令少別當任賢掌  
為。二十日。辛未。後白河天皇。幸日吉社。內大臣藤原  
實定。以下扈從。猷舞技走馬。是日。責罰筑前香椎社。  
前大宮司公友。悖領家命。抑制遷宮儀。且身既致仕。  
尚行祀務。祠官訴之。鎌倉。命黜為。二十一日。壬  
申。後白河天皇。競馬於日吉社。八月。四日。甲寅。修北  
野社。命社司。專掌祀務。以地震觸穢。朝官不能供祀。

事也。十三日。癸未。奉幣九社。祈地震。二十一日。辛未。源賴朝。決常陸鹿嶋神主中臣親廣所訟。初下河邊四郎政義。宰常陸南鄙。掠神領橘鄉。并譴責神主。於是親廣訴之鎌倉。賴朝召二人面決。親廣言有條理。政義默而不言。既而命親廣管轄神領如故。親廣拜命而退。賴朝謂政義曰。汝每先登。不讓他人。今為一祠官。雌伏。何其与平生相反也。政義對曰。實如尊命。雖然。臣聞鹿嶋祀武雷。本武神赫々者也。故其神當保護士人。親廣雖微。彼掌神事。縱臣有辭。不敢自陳。是臣所以敬畏神也。賴朝笑而諾之。二十七日。丁丑。

午牌。鎌倉御靈祠震動。神殿兩扉壞破。賴朝謁之。獻祝文禱焉。且賜藍摺帛二段。祝巫各有差。九月四日。甲申。以閑眼大像。非常赦。伊勢神宮賀茂社祀人所訴者。不在赦限。是行。召還曰杵二郎惟隆。緒方三郎惟義。去歲。二人壞毀宇佐廟。奪神室。流。至是而赦之。十月十四日。癸亥。先是。小杵御厨田。屬伊勢大神宮神封。今為國司所抑奪。事聞。源賴朝命為神封。仍舊。十五日。甲子。賴朝給齋宮祭供之資。且命復大神宮神封。伊雜神戶鈴母御厨沼田御牧。負部神戶田公御厨等田。為武臣抑奪者。仍舊。是日。後白河天皇。

謁石清水八幡宮。內大臣藤原兼實以下扈從。二十七日。丙子。源賴朝遣仁田四郎于伊豆。三藤景光于箱根。奉幣馬三嶋箱根二神。十一月三日。壬午。停諸社祭。以觸穢也。更命以後支于行之。十五日。甲午。卜定潔子內親王。為齋宮。二十二日。辛丑。先是。源義經。獲罪於兄賴朝。逃難大和。詣多武峰。拜大職冠鎌足神像。祈雪寬。二十四日。癸卯。賴朝撰祝祠。禱國家安靜於伊勢大神宮。及近國一宮十一社。十二月四日。癸丑。伊勢大神宮神主生倫。齋去月幕府祝文。往安房東條。懇禱經日。有靈夢。生倫具狀。以聞。賴朝歎良

馬。踰飛龍者于東條。以賽焉。東條蓋伊勢神封遙拜處也。六日。乙卯。遣散位相家於豐前。奉御劍神馬五色絹。字佐八幡宮。抵播磨明石驛。為兵士所劫奪。相家等。僅脫身而歸。己卯晦。源賴朝。以土佐吾河郡數邑。為六條若宮神封。本祠祀判官為義靈。實為賴朝祖。配以石清水神。以阿闍梨秀巖。補別當。秀巖者。大江廣元弟也。

二年。丙午。正月二日。辛巳。源賴朝謁相摸甘繩祠。歸途。臨足立藤九郎盛長邸。三日。壬午。賴朝謁鶴岡八幡宮。親臣扈從。而千葉胤賴。与其父常胤。相對而坐。

次在左。或笑其失體。賴朝謂其人曰。非汝輩所能辨也。常胤雖父。六位也。胤賴雖子。五位也。官爵朝家公器。豈可以私親而妄踰其分耶。其人慚服。十七日。丙申。奉幣石清水八幡宮。假藏宇佐八幡宮神室。十九日。戊戌。神祇大副大中臣公宜。少副為定。遣使訴謙倉曰。去年祭主神祇。權大副親俊薨。有能隆者。賂神宮奉行親宗光雅。補祭主。然超越失次。衆人怨望。且所奉庸劣。尤不副鑒識。奉任而失。請過加彈糾。以懲黷貨濫進之罪。二十三日。壬寅。源賴朝獻神馬於信濃諏方上下祠。二月。己酉朔。先是。左馬頭藤原能保

者。賴朝妹夫也。以故受其親眷。能保奉家。來鎌倉。賴朝懇遇。留宿。將西歸。是日。能保携眷。謁鶴岡八幡宮。奏神樂。蓋餞祖也。二日。庚戌。賴朝就藤原經房。奏請曰。前對馬守親光。嘗修造石清水廟。及鎮守六十餘祠寶殿。又修飾放生祭。神輿帷帳。或奉神室於神祠。禱邦家安靖。懇禱百端。終始不怠。寔可嘉尚。烏非獨有功武弁。又朝家忠臣也。請還任前官。以勸獎將來。伏取進止。四日。壬子。鎌倉北山麓狐生子。其子入丁臺。賴朝卜之。不吉。既而有凶夢。於是命若宮社僧秀嚴。供荒神供。以禱之。十日。戊子。賴朝下令曰。伊勢大



神宮神封。勿損減定額。而為神人者。宜遵守舊典。以  
勿妄掠。且怠神務也。御園御厨人。亦須領悉斯意。十  
二日。庚寅。昨秋貢賦定額欠調進者多。其邑為神封  
者。信濃麻績御厨。仁科御厨。係伊勢大神宮。小谷莊。  
係石清水八幡宮。今溝莊。係松尾社。浦野莊。係日吉  
社。黑河藤澤。係諏訪上下社。越後石河莊。係賀茂社。  
賴朝遣使催督焉。十五日。癸巳。先是。源義經。閱艱崎  
苦。經大和。抵伊勢。謁大神宮。獻良刀。以禱其成志。自  
謂。斯刀每戰佩服。精心所寓也。今聊奉諸大廟。希其  
諒鄙衷。十六日。甲午。源賴朝。遣山城介久兼於伊勢。

監察神領。迹日紛更事務。四月三日。庚戌。賴朝彈奏  
筑前大宰府。天滿宮別當安能。附以字佐大宮司公  
通證。以安能嘗為平氏禱戰捷也。八日。乙卯。先是。大  
和吉野山僧。捕源義經妾靜。賴朝召致鎌倉。訊問義  
經。靜歌妓。賴朝元妃北條氏。欲觀其舞。靜固辭不聽。  
是日。賴朝夫妻。謁鶴岡社。召靜命之。靜乃舞。二藤祐  
經。搥鼓。畠山重忠。擊銅柏子。靜唱和歌二首。聲情纏  
綿。觀者感愴。已而北條氏。賜物遣之。五月。戊寅朔。鎌  
倉黃蝶。遍飛。鶴岡尤甚。賴朝令吏修臨時神樂禱焉。  
先是有神憑巫曰。有反人。四窺鎌倉。幕下果能敬神

尊王。加以善政。則亂賊伏誅。可庶幾焉。於是賴朝獻  
神馬。三日。庚辰。出雲杵築大社。總檢。拔出雲則房免  
職。出雲資忠代之。十五日。壬辰。有金色蛇。見春日社。  
十八日。乙未。夜。春日神山有光。二十三日。庚子。齋宮  
潔子內親王。修禊東河。入左近衛府。六月。二日。戊申。  
奉幣二十二社。十四日。庚申。御大內。避祇園神輿。二  
十六日。壬申。奉幣伊勢以下十二社。祈得宝劍。七月。  
丙子。朔。源賴朝。廢伊勢大神宮神領林崎御厨地頭  
職。初厨人。黨平氏。舉兵。於是。有此令。二日。丁丑。以還  
宇佐八幡宮於假殿。廢朝五日。十七日。壬辰。奉幣石

清水八幡宮。謝盜瀆宇佐八幡神宮也。十九日。甲午。  
以駿河上政所田。獻福地社。為神封。閏月。丙午。朔。遣  
使豐前。檢宇佐八幡宮損壞。十四日。己未。奉幣諸社。  
祈年穀。二十八日。己酉。源賴朝。召伊勢大神宮祢宜  
長重。賴朝面命之。獻駿河方上御厨於本宮。以殄滅  
曩日義經祝禱本宮之心也。八月。六日。庚辰。祈晴丹  
生川上貴布祢二社。十五日。己丑。源賴朝。謁鶴岡祠。  
偶見一老僧於鳥居側。恠之。遣人問姓名。對曰。吾本  
北面士佐藤信清者也。今削髮号西行。賴朝召見之。  
通宵談兵。自謂此行。往東奧。便道詣鶴岡廟也。二十

三日。丁酉。大風。春日神木多僵。九月三日。戊申。先是。備後有福莊。近江安曇河御厨。均係賀茂社神封。一為土肥實平所侵奪。一為佐々木定綱所侵奪。至是。令禁其掠略。二十八日。辛未。齋宮潔子內親王。入野宮。癸酉晦。源賴朝。以野木社神封下野寒河郡地十五町。換附日光山三昧田。十月五日。戊寅。後白河天皇。謁熊野社。二十二日。甲午。遣使豐前。還藏神室宇佐八幡宮。二十四日。丁酉。源賴朝。自菴修甘繩神祠。并建鳥居。十一月八日。辛亥。先是。藤澤餘一盛景。侵奪信濃諏訪神領黑河內藤澤田。柵田神獵。妨害神

役。大祝訴諸賴朝。賴朝責罰盛景。且命大祝。尔後專勾當祠務。不怠舊典。十二日。乙卯。源賴家。謁鶴岡祠。小山宗政朝光。千葉常秀。三浦義村。梶原景茂景定等。扈從焉。十二月六日。己卯。源賴朝元妃北條氏。謁鶴岡祠。命奏神樂。賜物巫女。各有差。十日。癸未。賴朝。以草野次郎大夫永井。補肥前鏡社宮司。二十日。癸巳。遣權大納言藤原實房于伊勢。奉幣大神宮。三年。丁未。正月。癸卯朔。源賴朝。与妃北條氏。世子賴家。謁鶴岡祠。十五日。丁巳。賴朝献左女牛地於六條若宮。為神田。十九日。辛酉。後白河天皇。幸賀茂社。二

十日。壬戌。源賴朝遣合鹿大夫于伊勢。奉神馬八匹。砂金二十兩。鍛刀二口。獻神馬于風荒祭伊雜瀧原社。各一匹。並禱討義經也。踰月。又禱之鶴岡祠以下諸社。二月。二十日。壬辰。賴朝賜宇佐八幡宮祠官采邑。或舊或新。令天野遠景傳命。四月。九日。庚辰。春日神山震動。十四日。乙酉。賀茂祭。皇后宮使藏人右衛門權佐兼權大進定經。供飾馬於天覽。五月。五日。丙午。修鶴岡祠祭。源賴朝妃北條氏。謁本宮。二十日。辛酉。賴朝遣藤原行政于常陸。以糾彈鹿嶋社領名主貞家侵奪畝田也。二十六日。丁卯。賴朝奪伊勢人宇

治藏人三郎義定采邑。以其隸吏侵奪齋宮寮櫛田邑也。六月。二十日。庚寅。賴朝褫伊勢地頭職。加藤太光員官。以其侵奪大神宮神封也。時接戰亂。武人悍吏。往往掠略神領。或訴朝廷。或質將帥。蒙黜罰。封戶復舊者亦多。二十六日。丙申。後白河天皇。幸日吉社。七月。十八日。丁巳。仁田四郎忠常妻某氏。謁伊豆三嶋祠。適霖後水大漲。某氏親棹。濟江尻渡。怒濤溺舟。男女僉溺。而多活。獨某氏歿。某氏自幼至歿。謁本祠。無虛月。頃日。忠常罹篤疾。某氏悲痛無已。親撰祝詞。禱以身代夫。夫疾果癒。某氏至是而歿。人皆嘆服其

貞誠二十日。己未。奉幣伊勢以下七社。祈得宝劍。又遣神祇大祐卜部兼衡。大藏少輔安部泰成等於長門。与巖嶋祠神主安藝介佐伯景弘。求宝劍於海中。八月三日。辛未。源賴朝。賜筑前那賀西鄉糟屋西鄉采邑於莒崎宮。官司親重。十五日。癸未。鶴岡祠始修放生祭。賴朝莅焉。弟範賴以下親臣扈從。觀流鏑馬。特擇精其術者數人為之。各莫不破的。適有諏訪盛澄者。嘗隸平氏。以故得罪於賴朝。盛澄尤長斯術。是日。命与盛澄捍馬騎之。蓋試技。且若之也。既卒。竊告盛澄曰。馬性左馳。請子領之。盛澄欣諾。又心禱諏訪

神曰。今日墮馬貽笑。不生還。幸明神加救護。臨場進退適躄。所發悉中。賴朝感嘆。遂赦其罪。初賴朝命熊谷直實樹的。直實怒曰。射者騎。樹者徒。臣請辭。賴朝曰。樹的非賤役。新日吉祭御幸之時。瀧口本所衆執此役。樹的不貴於射者乎。今從舊典。汝勿拒。直實不聽。賴朝怒削其邑。二十六日。甲午。賴朝使安田遠江守義定。修繕稻荷祇園二祠。九月十五日。癸丑。卜伊勢神宮殿舍。為風所破於軒廊。二十日。戊午。熊野祠僧湛增。遣使獻絹純三十端於賴朝。賴朝曰。夫附授田園於祠社。梵宇者。固在給神佛祭供。歲時修理。而

不專在祝僧也。祝僧苟仰其餘剩。僅餬其口可。今如  
湛增。將枉神物為私有。以媚權貴之人。不義亦甚。吾  
不敢受也。却之。二十七日。乙丑。賴朝拘畠山次郎重  
忠。以其代官真正鈔暴伊勢大神宮神封。為祠負家  
綱所訴也。既而赦之。二十八日。丙寅。祭主神祇大副  
正三位大中臣親隆薨。年八十二。十月二十九日。丙  
申。源賴朝以常陸陸奥郡邑百餘石。充鹿島神月饌  
之資。十一月二日。己亥。大職冠神像破裂。七日。甲辰。  
天皇謁石清水八幡宮。十四日。辛亥。天皇幸賀茂社。  
二十二日。己未。癸大神寶使。二十四日。辛酉。修賀茂

社臨時祭。十二月十一日。戊寅。後白河天皇。幸熊野  
祠。二十四日。辛卯。以雷。奉幣伊勢大神宮。已下七社。  
四年。戊申。正月。丁酉朔。源賴朝謁鶴岡祠。十六日。壬  
子。後白河天皇。幸日吉社。是日。賴朝謁鶴岡祠。二十  
日。丙辰。賴朝謁伊豆三嶋菴根諸社。二十六日。壬戌。  
賴朝妃北條氏。世子賴家。謁鶴岡祠。二十七日。癸亥。  
攝政藤原兼實。謁春日祠。內大臣良通以下扈從。二  
月二日。戊辰。賴朝以貞光。充備前吉備津宮神領。西  
野田保地頭職。十四日。庚辰。賴朝修問答講於鶴岡  
祠。迅雨。神殿震動。十八日。甲申。賴朝命宇佐大宮司

公房捐私賤。修八幡宮。購其罪也。二十八日。甲午。修  
臨時祭於鶴岡祠。三月十五日。辛亥。先是。梶原景時。  
寫大般若經。藏諸鶴岡祠。以禱源賴朝宗頭也。是日。  
竣功。賴朝謁祠慶之。臨發。令武田有義執劍。有義色  
不悅。賴朝大怒曰。汝源氏子弟也。曩年。為平重盛執  
劍。不以為耻。我則汝同宗元帥。反恥為其役。何顛倒  
之甚也。乃令小山朝光代之。有義恐懼逃竄。四月。三  
日。己巳。修臨時祭於鶴岡祠。賴朝謁祠。觀流鏑馬。賞  
波多野有經。其人通傳家秘訣。因賜采地一邑。六日。  
壬申。停松尾平野二社祭。以禁內觸穢也。五月。十六

日。辛亥。日吉社祢宜祝部成仲。設九十壽宴。成仲善  
詠歌。交道極廣。公卿撰歌賀其壽者不少。二十一日。  
丙辰。奉幣伊勢大神宮。己下十二社。二十四日。己未。  
大枝三所。禳痘瘡。六月十三日。丁丑。天皇御大內。避  
祇園神輿。八月。甲子朔。奉幣諸社。祈年穀。十五日。戊  
寅。修放生祭於鶴岡祠。源賴朝謁焉。十月。壬辰朔。鶴  
岡馬埒樹。無風而倒。賴朝謁本祠。奉幣馬以禳之。  
五年。己酉。正月。壬辰朔。賴朝謁鶴岡祠。二十日。辛亥。  
後白河天皇。辛日吉社。二十四日。乙卯。源賴朝妃北  
條氏。謁鶴岡祠。二月二十七日。己亥。修臨時祭於鶴

岡祠。賴朝謁祠。佐々木三郎盛綱執劍。三月三日。乙卯。賴朝謁靄岡祠。觀舞樂流鏑馬相撲諸技。十三日。乙卯。賴朝建塔於鶴岡祠側。主計允行政董役。二十五日。乙卯。以豐受宮戶鎖不閑。遣權大納言藤原實家于伊勢。奉宸筆宣命於大神宮。四月三日。乙亥。源賴朝謁鶴岡祠。觀流鏑馬競馬相撲諸技。大修三崎社祭。觀技亦如鶴岡。閏月二日。辛卯。賴朝妃北條氏謁鶴岡祠。世子賴家扈從。八日。丁酉。賴朝謁鶴岡祠。視塔役也。是月。源義經戰死于陸奥衣川。初壽永中。義經攻平氏於一谷。以土人鷲尾經春為臣。是役。經

春從義經戰歿。其子義治。後往陸奥。收父枯骨而歸。葬之。後至孫義基。建祠墓上祭焉。五月十日。己巳。後白河天皇。幸日吉社。六月九日。丁酉。源賴朝修鶴岡祠。塔成慶之。供獻賜賚。不遑甄錄。十五日。癸卯。先是。出雲杵築神主資忠。未鎌倉。見賴朝。臨歸。獻良馬澤井黑一匹于大社。祈國家安靖也。二十日。戊申。修臨時祭於鶴岡祠。七月。己未朔。修放生祭於鶴岡祠。賴朝謁祠觀技。如故事。七日。丙寅。賴朝決軍議。征陸奥藤原泰衡也。先癸。千葉常胤獻白旗一旒。長一丈二尺。上署天照八幡二神號。下画二鳩。常胤自謂曰。是



倣賴義朝臣曩年征奧時旗樣也。賴朝曰。誠嘉兆也。  
十日。戊辰。賴朝下令。禁忌見賴綱暴掠伊勢大神宮。  
神封本國沼田御厨。以神官員辨家綱訴也。二十七  
日。癸未。鎌倉大衆抵下野。賴朝駐軍。奉箭一幹于宇  
津宮祠。禱戰捷曰。此役果奏大功。則獻生擒一名。永  
補此祠神官。以供祭奠。二十九日。丁亥。賴朝抵陸奧  
白河関。奉幣於關明神。八月十日。丁酉。賴朝妃北條  
氏。命侍嬪數人。謁鶴岡祠。修百度詣之儀。以祈征奧  
之捷也。十五日。壬寅。修放生祭於鶴岡祠。如故事。二  
十日。丁未。大風。神社多倒。二十六日。癸丑。以征藤原

泰衡。勅神祇官禱七日。九月九日。丙寅。修臨時祭於  
鶴岡祠。流鏑馬如永式。十日。丁卯。修鶴岡末社熱田  
社祭。流鏑馬競馬相撲。如本祠儀。二十一日。戊寅。源  
賴朝奉幣。膳澤郡鎮守府八幡宮。祠本係田村麻呂  
所創。兵仗尚藏神庫。十月十七日。癸卯。賴朝妃北條  
氏。謁鶴岡甘繩二祠。賽宿禱也。十九日。乙巳。先是藤  
原泰衡伏誅。賴朝凱旋。奉幣宇津宮。獻莊園一邑地。  
且以樋爪太郎俊衡同宗一員。充本祠祝史。以賽宿  
禱也。既而歸鎌倉。召此役奉命祝禱者。賜賚各有差。  
二十九日。乙卯。天皇幸春日社。踰日還宮。十一月三

日。己未。後白河天皇。幸日吉社。十二月。丙戌朔。源賴家騎馬。謁鶴岡祠。奉神馬三匹。十八日。癸卯。源賴朝妃北條氏。謁鶴岡祠。奏神樂。是歲。清原賴業卒。年六十八。子孫建祠祭之。後嵯峨天皇。賜號曰車折大明神。相傳有人嘗乘車。過其祠前。車忽折。因名焉。建久元年。庚戌。正月。丙辰朔。源賴朝。謁鶴岡祠。四日。己未。出雲大社。神主資忠。謁賴朝。賴朝附資忠。獻劍一口于大社。十三日。戊辰。藤原能保。致書賴朝曰。資忠傲然。自号関東祈禱師。假武威。以蔑朝命。雖下參殿之詔。不敢來。潛赴関東。不敬莫大焉。宜廉察事由。

以行黜罰焉。十八日。癸酉。賴朝奉幣管根三嶋社。十日。甲子。罰安田義定。先是。後白河天皇。命義定。修造稻荷社。事頗稽緩。大忤旨。因有此命。三月。三日。丁巳。源賴朝。謁鶴岡祠。七日。辛酉。後白河天皇。幸熊野祠。踰月。還宮。四月。二日。乙酉。修鶴岡祠末社三嶋社祭。賴朝遣大江廣元奉幣。三日。丙戌。修鶴岡祠祭。賴朝謁祠。觀流鏑馬。十八日。辛丑。卜伊勢大神宮心柱倒于軒廊。十九日。壬寅。伊勢造宮使。訴神民不納定額租稅於鎌倉。命吏下令督責焉。五月。七日。庚申。以心柱倒。奉幣伊勢大神宮。廢朝五日。六月。二十九日。壬

子。修出雲大社。行遷宮之儀。七月二十三日。乙亥。後  
白河天皇。幸日吉社。八月十四日。丙申。遣權大納言  
藤原賴實於伊勢。奉宸筆宣命神宝於大神宮。十五  
日。丁酉。修放生祭於鶴岡祠。源賴朝謁祠。十七日。己  
亥。卜占霖雨禱於神祇官。二十七日。己酉。伊勢神宮  
奏神宮瑞籬門倒。二十八日。庚戌。奉幣伊勢以下十  
社。祈晴。辛亥晦。讀經十社。十月。壬午朔。後白河天皇。  
幸日吉社。非常赦。但伊勢石清水神人所訴。不在赦  
限。二十七日。先是。源賴朝西覲京師。是日。抵尾張。奉  
幣熱田祠。以其係外戚之氏神。特崇敬焉。十一月。十

一日。辛酉。賴朝謁六條若宮石清水八幡宮。獻神馬  
一匹。銀劍一口。十五日。乙丑。獻神馬于諸社。二十七  
日。丁丑。天皇幸平野社。十二月十四日。甲午。天皇幸  
大原野社。二十一日。辛丑。以明年當三合厄。奉幣二  
十二社。

二年。辛亥。正月十一日。庚申。源賴朝謁鶴岡祠。十八  
日。丁卯。賴朝責罰內藤盛家。以其去春侵掠石清水  
神領周防遠石莊。又傷神人友國也。二月四日。癸未。  
賴朝謁鶴岡祠。十五日。甲午。賴朝修流鏑馬於鶴岡  
若宮。三月四日。壬子。鶴岡若宮火。未幾。造假殿。二十

五日。癸酉。遣樞大納言藤原實宗於伊勢。奉宸筆宣  
命神寶於大神宮。四月三日。庚辰。源賴朝。修臨時祭  
於鶴岡祠。如故事。二十日。丁酉。賀茂祭。大江廣元。適  
在京菴。爲。後白河天皇賜馬。時人榮。爲。二十六日。癸  
卯。延曆寺僧徒。奉日吉祇園北野三神輿。詣閑院。訴  
近江佐々木左兵衛尉定重。殺傷神人宮主。後白河  
天皇。諭僧徒還山。不聽。棄神輿而去。朝廷還祇園北  
野神輿于本祠。權遷日吉神輿于祇園。後定重等  
罪。於是僧徒亦迎日吉神輿而還。是日。源賴朝。更造  
宝殿於鶴岡若宮側。祀八幡大神。二十七日。甲辰。相

摸生澤直下社神主清包。訴地頭土屋三郎斬伐社  
來於鎌倉。賴朝召二人對訟。曲在三郎。因禁其侵暴。  
五月。戊申朔。遣使奉幣日吉祇園北野三社。十日。丁  
己。奉幣馬於丹生川上貴布祢二社。祈雨。十六日。癸  
亥。命神祇權少副親廣。祈雨。六月。十二日。己丑。祈雨  
丹生川上貴布祢二社。是夜雨。十三日。庚寅。天皇御  
大内。避祇園神輿。二十三日。庚子。祈晴丹生川上貴  
布祢二社。八月十五日。辛卯。修放生祭於鶴岡祠。源  
賴朝謁。爲。踰日。奉幣馬。觀流鏑馬如恒式。九月九日。  
乙卯。修臨時祭於鶴岡祠。賴朝謁。爲。奉幣如恒式。二

十一日。丁卯。奉幣石清水已下七社。二十九日。乙亥。北條時政室牧氏。抵京師。以奉幣其氏神也。十月。賴朝如京師。途遇近江栗本郡矢橋浦。觀一神祠。召土人。舉鞭問之曰。何神也。對曰。八幡宮也。賴朝下馬。拜焉。令卜部兼藤。重修神殿。十一月。九日。甲寅。以待從藤原保子。藏人左衛門源仲景。為八十嶋祭使。十一日。丙辰。宮主神祇權大祐兼基。陰陽助濟憲等祭焉。二十一日。丙寅。源賴朝修鶴岡祠。及若宮末社遷宮之儀。梶原景時。和田義盛。率兵護衛。十二月。八日。壬午。天皇幸松尾社。十三日。丁亥。天皇幸北野社。十九

日。癸巳。源賴朝。修神事於鶴岡祠。特命山城久家以下十三人。學神樂秘訣於伶官好方。二十六日。庚子。賴朝獻神馬二匹於鹿嶋神社。以本祠鳴動。祿宜中臣廣親卜之曰。兵兆也。因遣鹿嶋六郎禳之。

三年。壬子。正月。甲戌朔。源賴朝。謁鶴岡祠。始行修正。凡七日。至八日。辛巳。其儀竣。賴朝謁祠。九日。壬午。修正於若宮一日。比前日。蓋省其礼云。十一日。甲申。源賴家。謁鶴岡祠。十二日。乙酉。後白河天皇。遣權中納言源通親于伊勢。奉幣大神宮。二月。二日。乙巳。以法印權大僧都成清。補石清水八幡宮別當。四日。丁

未。修祈年祭。十二日。乙卯。鶴岡祠奏神樂。源賴朝。謁  
焉。十三日。丙辰。後白河天皇不豫。修日吉祠臨時祭。  
右少辨資實。撰祝詞。三位中將藤原忠經。莅焉。奏歌  
舞。如賀茂臨時祭。十五日。戊午。修臨時祭於鶴岡祠。  
如恒式。二十二日。乙丑。大江廣元。自京師。致書鎌倉  
曰。去月。十三日。入京。聞法皇不豫。獻鳩飾宝刀于石  
清水廟。禱之。三月。三日。乙亥。源賴朝。謁鶴岡祠。世子  
賴家扈從。四月。二日。癸卯。停諸社祭祀。以後白河天  
皇崩也。辛未。晦。鶴岡若宮職掌紀藤大夫家火。翌日  
藤大夫煩悶喪心。吐實曰。吾一日。見小壺楠前。發艷

言。欲通懇懇。女曰。妾禱神鏡。未了。請竣其事。然後。欲  
見子於鶴岡。吾知其言欺罔不可信。欲燒其家。以洩  
憤歎也。乃齋火放女家。不自覺燒已家也。十二日。癸  
未。右大將源賴朝。獻神馬二匹於鶴岡祠。讓藤大夫  
之火也。七月。二十五日。丙申。大將軍源賴朝。謁鶴岡  
祠。先是。賴朝任將師。中原景辰等。齋詔書。自京師至  
鎌倉。三浦義澄。拜受詔書于勅使。以獻賴朝于廟西  
廊。既而大饗勅使。遣之。八月。辛丑朔。修北野祭。蛇出  
自神輿。入正殿。大炊頭師尚。校訂舊記曰。天仁二年。  
八月朔。黑蛇死於本祠神輿中。九日。己酉。幕府元妃

北條氏生男十萬。實實朝也。獻神馬二匹於鶴岡祠。賀焉。九月十五日。甲申。豐受宮祢宜橫田光忠卒。年八十八。二十八日。丁酉。祭主神祇大副正三位大中臣親隆薨。年八十二。十一月十六日。辛卯。幕府奉幣奏神樂於鶴岡祠。十一月二十一日。幕府修鶴岡熱田三嶋諸神廻廊。行遷宮之儀。十二月二十八日。丙寅。幕府增置伊勢大神宮神領武藏大河戶御厨。是歲。從一位大政大臣藤原師長薨。年五十六。師長。左大臣賴長第二子也。師長性精琵琶。一歲。遇大旱。百禱無驗。師長奉勅。彈琵琶於日吉社。瑞雨忽至。自是。

人稱師長。曰雨大臣。

四年。癸丑。正月。己巳。朔。大將軍源賴朝。謁鶴岡祠。四日。壬申。奉幣伊勢以下十二社。五日。癸酉。奉幣粟田宮。五月。丙寅。朔。先是。鹿嶋神社。每二十年修造。為永典。而社領幹事多氣義幹等。怠緩工役。事聞。幕府遣八田知家。速加葺繕。以不延祭期。二十八日。癸巳。大將軍源賴朝。狩富士野。是夜。曾我祐成。弟時致。殺工藤祐經於獵場假館。以復父讎也。備前吉備津宮祝人王藤内。適与祐經飲。大醉酣寢。遂見并殺。初兄弟聞有富士獵。大喜曰。仇人必來莅。是吾遂志之秋也。

乃共謁箱根社。社僧行實。察兄弟志。取神前二寶刀授之。即斬祐經者是也。後人為兄弟立祠於富士野。六月十三日。鶴岡八幡祠。修放生祭。八月十五日。己酉。修放生祭於鶴岡祠。大將軍源賴朝謁焉。十六日。庚戌。賴朝觀流鏑馬於鶴岡祠。是月。勅修粟田宮祭。九月十一日。甲戌。源賴朝供箭祭餅。召小山朝政三浦義連賜之。二人食之。發聲有先後。最後。召信濃諏方祝盛澄食。三次皆不發聲。含箸三口。其禮度副古式。賴朝感嘆焉。十四日。丁丑。奉幣伊勢大神宮。十月十一日。甲辰。天皇幸日吉社。十一月四日。丁卯。大將

軍源賴朝。謁鶴岡祠。奏神樂。十七日。庚辰。武藏大田莊。鷲宮神座前血流。卜之。兵兆也。幕府遣榛谷四郎重朝於鷲宮。獻神馬一匹。禳之。十二月。甲午朔。幕府遣相摸守惟義於尾張。獻驪馬一匹。熟田社。又賜俸祿於大宮司範經。以禱國家安靖也。十三日。丙午。遣左馬權頭藤原範實於宇佐八幡宮。五年。甲寅。正月。癸亥朔。大將軍源賴朝。謁鶴岡祠。四日。丙寅。幕府遣八田知家。奉幣甘繩御靈二社。六日。戊辰。天皇幸齋院。五辻第。避方忌。踰月。重幸焉。二十九日。辛卯。幕府元妃北條氏。奉幣三嶋宮根社。二月。



十一日。癸卯。大將軍源賴朝。謁鶴岡祠。修臨時祭。十四日。丙午。夜。四條坊門油小路。賀茂社火。三月五日。丙寅。幕府元妃北條氏。遣侍嬪上野局於三嶋祠。修千度詣之儀。九日。庚午。修臨時祭於石清水八幡宮。十六日。丁丑。中宮任子。幸大原野社。大臣以下扈從。四月三日。甲午。幕府修臨時祭於鶴岡祠。遣右京進季時奉幣。流鏑馬如恒式。十二日。癸卯。幕府獻神馬三薦社。賽宿禱。十七日。戊申。関白藤原兼實。詣賀茂社。推大納言實宗以下扈從。十八日。己酉。修賀茂祭。五月五日。乙丑。大將軍源賴朝。謁鶴岡祠。修神事。是

月。賀茂神人。与鞍馬僧徒相闘。六月七日。丙申。祈晴神祇官。七日。二十六日。乙卯。大將軍源賴朝。謁甘繩宮。己未。晦。幕府遣掃部允行光。禁久伊豆宮神人相闘於武藏大河戶御厨。七月八日。丁卯。幕府元妃北條氏。謁鶴岡祠。十五日。甲戌。攝津廣田夷宮。鳴動奉幣。禳之。十九日。戊寅。命神祇少副大中臣定輔。祈雨。遣權中納言通資。奉幣。是日。亦祈雨。丹生川上貴布祢二社。二十日。己卯。幕府獻鎧劍弓箭於肥前鏡祠。八月三日。辛卯。松尾社司言。神木無故倒。十五日。癸卯。大將軍源賴朝。謁鶴岡祠。修放生祭。奏舞樂。外姪

藤原高能。偶耒菴鳥。踰日。賴朝命北條太郎賴時射流鎬馬。特感其精射。賜祿。賴時即泰時也。閏月十五日。壬申。以天變恠異。奉幣伊勢大神宮以下十三社。十六日。癸酉。奉幣粟田宮。二十二日。己卯。大將軍源賴朝。謁甘繩宮。九月九日。丙申。修法成寺總社祭。二十一日。戊申。関白藤原兼實。謁春日社。二十八日。乙卯。幕府遣使。獻劍馬於伊勢大神宮。熱田社。十一月。戊子朔。幕府命北條時政。修三嶋社董役。四日。辛卯。大將軍源賴朝。謁鶴岡祠。奏神樂。伶官大江久家。奏秘曲。畠山重忠。梶原景季。酬和。十日。丁酉。幕府大姬

不豫。遣新田六郎。奉神馬於三嶋社。禱之。十五日。壬寅。大將軍源賴朝。夫妻。謁鶴岡祠。禱大姬也。二十一日。戊申。伊豆三嶋神祭也。賴朝謁鶴岡祠。遙拜三嶋神於本祠別殿。二十七日。乙卯。幕府下令。修理近國一宮破壞者。十二月二日。戊午。天皇幸祇園稻荷二社。十日。壬寅。大中臣長任。任少宮司。六年。乙卯。正月十三日。己亥。大將軍源賴朝。謁鶴岡祠。二月十一日。丁卯。賴朝謁鶴岡祠。十三日。己巳。賴朝謁鶴岡祠。奉幣。觀流鎬馬競馬相撲。乙酉晦。遣權大納言藤原良經。於伊勢。告慶東大寺於大神宮。三

月。大將軍源賴朝。率妻孥上洛。九日。甲午。賴朝謁石  
清水八幡宮。左女牛若宮。修臨時祭。元妃世子扈從。  
奉幣馬。終宵禱神殿。四月十五日。庚午。賴朝謁石清  
水八幡宮。世子同車。十七日。壬申。関白藤原兼實。大  
將軍源賴朝。謁賀茂社。左大將藤原良經以下公卿  
十四員。扈從。二十七日。壬午。賴朝遣梶原景時。奉幣  
馬住吉社。是夕。景時題和歌社柱曰。我君乃。予向能  
駒遠。引連天。行末遠幾。驗阿良波世。五月二十日。甲  
辰。建貴布祢社。掘出金獅子一頭。六月二十一日。甲  
戌。祭主神祇。大副大中臣能隆。謁大將軍源賴朝於

六波羅館。手賜宝刀一口。以累歲抽誠祝禳之勞也。  
七月。癸未朔。大將軍源賴朝東歸。至尾張。奉幣熱田  
社。大官司範經。献劍馬賴朝。賴朝乃命稻毛三郎重  
成。上其馬。馳告鎌倉。其馬如龍。因名曰三日黑。九日。  
辛卯。以中宮有孕。奉幣十三社。八月十五日。丁卯。遣  
權中納言親信。参議實明等。修放生祭於石清水八  
幡宮。以掃部助有負。為宣命使。是日。大將軍源賴朝。  
謁鶴岡祠。踰日。觀流鏑馬。射手十六負。皆一時選也。  
二十九日。辛巳。先是。幕府課諸侯。供鶴岡常燈油之  
資。迨月供給或懈。於是。增負定額之外。以嚴補不逮。

九月。九日。庚寅。大將軍源賴朝。謁鶴岡祠。觀流鏑馬  
競馬相撲。二十九日。庚戌。禁士庶妄獵狩。唯神社供  
稅鷲鷹等。不在此限。十月七日。戊午。大將軍源賴朝。  
謁鶴岡祠。修臨時祭。十日。辛酉。奉幣十社。禳天變。二  
十六日。戊寅。幕府世子賴家。謁鶴岡祠。三浦栗濱大  
明神。辛巳晦。関白藤原兼實。謁春日祠。競馬。十一月。  
壬午朔。大將軍源賴朝。謁鶴岡祠。十日。辛卯。賴朝謁  
鶴岡祠。奏神樂。是月。幕府遣北條時政于伊豆。修三  
嶋祭。適有鳥死于第三神殿上。於是。遣北條五郎時  
連奉劍馬於本祠。又命菊太三郎家政。修千度詣之

儀。並禱鳥死之穢也。

七年。丙辰。二月。四日。甲寅。修祈年祭。四月。十四日。癸  
亥。修賀茂祭。十五日。甲子。修吉田祭。二十三日。壬申。  
天皇謁賀茂祠。十月。二十五日。庚午。天皇謁石清水  
八幡宮。二十九日。幕府修鶴岡若宮寶藏。行上棟之  
儀。十一月。五日。庚辰。天皇幸賀茂社。二十九日。甲辰。  
遣安藝守宗子字佐八幡宮。十二月。二十五日。庚午。  
遣右中辨宗隆于春日社。修遷宮之儀。  
八年。丁巳。十月。二十日。己丑。関白藤原兼實。謁春日  
祠。十二月。十八日。丙戌。以明年元日日食。奉幣二十

二社。

九年。戊午。正月。齋宮潔子內親王免職。三月三日。庚子。土御門天皇即位。尊準母前齋院範子內親王。曰皇后。十月二十七日。辛卯。修禊。十一月二十二日。乙卯。修大嘗祭。十二月九日。壬申。白川業資王。任神祇伯。叙從三位。

